

INUIT ATAQATIGIIT INATSISARTUNI



7. november 2022

Inatsisartut Suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1. Nuummi toqusunut ikuallaaviliornissamut Naalackersuisut pilersaaruteqarpat?**
- 2. Pilersaaruteqartoqarpat qaqugu oqaluffiliortoqassava?**
- 3. Ikuallaaviup pilersaarusionerqarnera qanoq akeqassava?**
- 4. Sermersuup kommunea ikuallaaviliornissamut nunaminertamik immikkoortitsisimava?**
- 5. Namminersorlutik Oqartussat tamakkiisumik akilerpagu pissusissamisoortut Naalackersuisut isigivaat?**
- 6. Nuussuarmi Qinngorpumiluunniit oqaluffiliornissamut Naalackersuisut aningaasaliissallutik pilersaaruteqarpat?**
- 7. Nuussuarmi Qinngorpumiluunniit Sermersuup kommunea nunaminertamik immikkoortitsinikuua?**
- 8. Nuussuarmi Qinngorpumiluunniit oqaluffiliornissamut pilersaarusionerermut aningaasat qassit pisariaqartinneqarpat?**

(Inatsisartunut Ilaasortaq Kristian Jeremiassen, Inuit Ataqatigiit)

Tungavilersuut:

Nuuk tassaavoq illoqarfik ineriartortoq maannakkullu innuttaasut ukiut 100-it qaangiuppata amerlanerit toqusimassangunarput nalungatsigu qaqugu toqu takkukkumaarnerisq, inuit 18.000-it iliveqarfimmi inissaat aamma siunissami

INUIT ATAQATIGIIT INATSIARTUNI



eqqarsaatingisariaqarparput, taamaammat ikuallaavik pisariaqarpoq.

Nuummut nakorsiat toqusimappata Dronning Ingrid napparsimavissuani nassiussiniatarneq pisariusinnaavoq timmisartukkut umiarsuakkulluunniit avannaanut tunumut kujataanulluunniit. Pisariaqarpoq ikuallaavimmik peqarnissaa nassiussiniarneq pisariusinnaasarmat akisusinnaallunilu.

Pisariaqartutut isigivara Nuummi toqusunut ikuallaavik aammalu Oqaluffik Nuussuarmi Qinngorpumiluunniit, siunissami pisariaqartitsitsineq suli annertusiartuinnartussaavoq taamaammat kommune-ip Nam-minersorlutik Oqartussallu suleqatigiittariaqarput Nuuk nunatta sinneraniit nuuffingineqaraluttuinnartillugu napparsimavissuaqartillugulu nunatta sinneraniit nakorsiarfingineqartartumik.

Inatsisartuni sulininni pisariaqartippakka paasissutissat toqusunut ikuallaavik aammalu Nuussuarmi Qinngorpumilu oqaluffik taamaammat Naalakkersuisunut taamatut apeqquteqarpunga.

Neriuppunga apeqqutikka ullut suliffiusut qulit qaangiutsinnangit akineqassasut.